

Broj: 01/01-2936/1-2020
Sarajevo, 24.11.2020. godine

Na osnovu člana 136. Zakona o visokom obrazovanju ("Sl. novine Kantona Sarajevo", broj: 33/17, 35/20 i 40/20) i člana 108. Statuta Univerziteta u Sarajevu, a u skladu sa odredbama Pravilnika o sadržaju i načinu vođenja evidencije o radnicima i drugim licima angažovanim na radu („Službene novine FBiH“, broj: 92/16) i članom 50. Jedinstvenog pravilnika o radu Univerziteta u Sarajevu, donosim sljedeću

ODLUKU

I

Uvodi se elektronska evidencija radnog vremena Prirodno-matematičkog fakulteta Univerziteta u Sarajevu, počevši od 01.12.2020. godine, te po tom osnovu, prestaje obaveza vođenja pisane evidencije o radnom vremenu putem portirnica Fakulteta.

II

Shodno odredbama Pravilnika o sadržaju i načinu vođenja evidencije o radnicima i drugim licima angažovanim na radu FBiH, radnici su obavezni svakog radnog dana vršiti evidenciju dolaska/odlaska na posao i sa posla, koja će se po tom osnovu koristiti za obračun plaće i naknade za topli obrok za svaki obračunski mjesec posebno.

III

Podaci o radnom vremenu članova akademskog osoblja Prirodno-matematičkog fakulteta Univerziteta u Sarajevu biće prilagođeni prirodi njihovog rada na način da se posebno evidentiraju samo normirani oblici rada u skladu sa odredbama Standarda i normativa za obavljanje djelatnosti visokog obrazovanja na području Kantona Sarajevo („Sl. novine KS“, broj: 17/19).

IV

Svi radnici Prirodno-matematičkog fakulteta se obavezuju koristiti evidencione kartice sa dužnom pažnjom, te u slučaju gubitka i/ili oštećenja iste, odmah obavijestiti poslodavca. Trošak nabavke nove evidencione kartice snosi radnik. U slučaju prestanka radnog odnosa, radnik je obavezan vratiti evidencionu karticu poslodavcu.

V

Za nadzor i upravljanje sistemom elektronske evidencije radnog vremena Prirodno-matematičkog fakulteta Univerziteta u Sarajevu zadužuje se prodekan za opće poslove i finansije Prirodno-matematičkog fakulteta Univerziteta u Sarajevu prof. dr. Esmir Pilav.

VI

Ova Odluka stupa na snagu danom donošenja, a primjenjuje se od 01.12.2020. godine. Odluka će se objaviti na web stranici Prirodno-matematičkog fakulteta Univerziteta u Sarajevu i na oglasnim pločama.

Obrazloženje

Cijeneći odredbe Pravilnika o sadržaju i načinu vođenja evidencije o radnicima i drugim licima angažovanim na radu FBiH, te s tim u vezi uvođenja elektronske evidencije radnog vremena na Prirodno-matematičkom fakultetu Univerziteta u Sarajevu, a što predstavlja obavezu poslodavca u skladu sa citiranim Pravilnikom, odlučeno je kao u dispozitivu.

Dostaviti:

- Svim radnicima putem oglasnih ploča
- Web stranica Fakulteta
- Sekretar Fakulteta
- Prodekan za opće poslove i finansije
- O2
- a/a



DEKAN FAKULTETA

Prof. dr. Nusret Drešković

Nusret Drešković